



Komisija za Statut i akte

Broj: 02-02-1011-9/17

Datum: 15.06.2017. godine

Komisija za Statut i akte Gradskog vijeća Grada Sarajeva, na sjednici održanoj 15.06.2017. godine, u funkciji pripreme za Petu sjednicu Gradskog vijeća Grada Sarajeva, razmatrala je:

10. (a) Tekuća pitanja

i podnosi Gradskom vijeću Grada Sarajeva sljedeći:

IZVJEŠTAJ

- (a) Komisija za Statut i akte je razmotrila upit iz Izvještaja Etičkog vijeća, te zaključila sljedeće.
- Zakon o sukobu interesa u Federaciji Bosne i Hercegovine („Službene novine Federacije BiH“, broj 70/08) je donesen radi sprečavanja sukoba interesa, te se njime uređuju posebne obaveze izabраних dužnosnika, nositelja izvršnih funkcija i savjetnika u organima vlasti u Federaciji Bosne i Hercegovine, kantona i jedinica lokalne samouprave u obnašanju javne funkcije. Ovim Zakonom je utvrđena nadležnost Centralne izborne komisije BiH da odlučuje da li neko stanje, postupak ili radnja predstavlja kršenje odredbi ovog zakona, a u skladu sa Zakonom o sukobu interesa u institucijama vlasti Bosne i Hercegovine („Službeni glasnik BiH“, broj 16/02, 14/03, 12/04 i 63/08). Također, propisano je da se postupak pred Centralnom izbornom komisijom BiH, pokreće i vodi u skladu sa Zakonom o sukobu interesa u institucijama vlasti Bosne i Hercegovine. Međutim, u međuvremenu su izvršene izmjene i dopune Zakona o sukobu interesa u institucijama vlasti Bosne i Hercegovine („Službeni glasnik BiH“, broj 18/12, i 87/13), pa je propisano da se, radi provođenja ovog Zakona, osniva Komisija za odlučivanje o sukobu interesa koju čine zastupnici u Predstavničkom domu i Domu naroda Parlamentarne skupštine BiH, te direktor i dva zamjenika direktora Agencije za prevenciju korupcije i koordinaciju borbe protiv korupcije, pa se Centralna izborna komisija BiH oglasila nenadležnom za postupak u vezi sa Zakonom o sukobu interesa u organima vlasti u Federaciji Bosne i Hercegovine.

PREDSJEDAVAJUĆI KOMISIJE

Mr. Izmir Hadžiavdić, s.r.

